

# PLANTÆ HISPANICÆ.

DESCRIPTIONES EPISTOLARES  
AUTHORIS.

## TRIANDRIA.

### I. MONOGYNIA.

#### ORTEGIA.

##### I. ORTEGIA *hispanica*.

*Juncaria salmanticensis*. *Clus. hisp.* 502. *f.* 503. *hist.* p. 114.

*Rubia linifolia aspera*. *C. Baub. pin.* 333. *Raj. hist.* 1033.

*Habitat* in vineis Salmanticæ; *Clusius*. In Castilia veteri;  
*Minuart.* In *Bactica* ad Pedroches de Cordova; *Velez*.

*Radix* annua *Clusio* (sed videtur perennis secundum specimen *D. ni VELEZ*), flexuosa, glabra, tenuis.

*Caulis* erectus, spithamalis usque pedalis, articulatus, quadrangularis, striatus, scabriusculus.

*Rami* oppositi, a basi caulis usque summum, erecti, cauli consimiles, ramulosi vel simplices.

*Folia* opposita, linearia vel lanceolato-linearia, acuta, semi-uncialia, erecta, sessilia, scabriuscula.

*Flores* in corymbis, confertis, dichotomis, brevi ramulo sustentatis, oppositis; sessiles.

*Bractea* minimæ, acutæ, oppositæ ad singulam divisionem dichotomiæ.

**CAL.** *perianthium* pentaphyllum, erectum: *foliis* oblongis, acutis, subcarinatis, marginibus intus coloratis.

**COR.** nulla.

**STAM.** *Filamenta* tria, subulata, calyce dimidio breviora.  
*Antheræ* oblongæ, lineares, compressæ, filamentis paulo breviores.

PIST.